

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Icones sive imagines virorum literis illustrium**

**Reusner, Nikolaus**

**Argentorati, 1587**

Pavlus Ebervs

[urn:nbn:de:bsz:31-271751](#)

PAVLVS EBERVS

Theologus.



*Qui fueram Sophia, Christi sum denique doctor:  
Si corpus paruum, mens mihi magna sat est.*

M. D. LXIX.

PAVLVS EBERVS KITTING AE

Franciæ oppido natus, anno M.D.XI.  
Post patriæ scholam, ad spem vberioris doctri-  
næ Onolsbachium primò commigrans:  
Aeger anno vix exacto in patriam reuersurus,  
ab equo raptatus consternato, multis corpo-  
ris partibus miserabiliter laxatis, magnam  
valetudinis suæ passus iacturam:  
Eā demum confirmatā, Vitebergam profectus,  
homo in omni iudicio elegantissimus, Philo-  
sophiæ pariter, ac Theologiæ studijs  
summè deditus:

Summos in utraque sapientiâ tam diuinâ quam  
humani honores cum laude promeritus:  
Professor tandem utriusque in Academiâ annis  
circiter XXXII X. clarus ac eloquens:  
Pastor præterea Ecclesiæ & Antistes verus  
vigilansque:  
Sacrae historiæ, & Philologiæ in primis  
studiosus:  
Quam & compluribus ingenij monumentis  
egregijs plurimum illustrauit, & ad  
posteros propagauit:  
Pie sancteque obiit Vitebergæ X. Decembr.  
anno Sal. M. D. LXIX. Aet LIX. D.  
XXXII.

V iii

IN PAVLVM EBERVM

Theologum.

IOANNIS SCHOESSERI,

Hos quicunque vides infirmi corporis artus,  
Quos tibi Pastoris parua tabella refert:  
Consilium perpende Dei, qui splendida mundo  
Visa, putat regno non satis apta suo.  
Eligit infirmos, per quos Ecclesia Christi  
Docta, salutarem possit habere fidem.  
Ille etiam praesens i. uat instrumenta salutis,  
Præsidioq; leuat membra pusilla suo.  
Et nunc parua licet sit vox & corpus Eberi:  
Ipse per hunc optat notior esse Deus.  
Ergo prius celebres docuit qui sedulus artes:  
Aethereo sacras nectare pascit oues.  
Quid spectas teneros artus? in corpore paruo  
Sæpè etiam pietas, ingeniumq; viget.

N. REVSNERI.

In Paguro sapientia.

Quid modicas paruo rides in corpore vires:  
Pectore si magnus sum, Polyphemus sat est.  
Scilicet est paruis etiam sua gratia rebus:  
Formicæ quoque vis, & sua bilis inest:  
Et sua commendat sapientia rara paguram:  
Pendet hic è collo, magna Diana, tuo.

Con-

*Consilij signum prudentis in æde dicat à  
Quæ gaudes Ephesi per tua sacra coli.  
Malo mihi paruo sit mens in corpore magna:  
Quam Cycloeo robore membra geram,  
Mentis inops. male sic habitat mens ardua Galba:  
Ingenuas vires, nobile pectus amo.*

P. CANDIDI.

*Relligio, pietas, doctrina, modestia, candor  
Dona, quibus fuerat clarus EBERVS, erant.*

IOANNIS STIGELII.

*Colligis è priscis quòd idonea tempora fastis:  
Quod cœlum & cœlo tempora lapsa notas:  
Paule tibi referet meritas Ecclesia grates:  
Hac etiam speculum quæ videt arte suum.  
Paule tibi referet meritas Res publica grates:  
Cui suus hoc studio vindice constat honos.  
Et iam fata tuis aspirant mollia chartis:  
Sentit & aeternos pagina viua dies.  
Adiçiunt Musa leta frondentia lauro  
Serta, Aganippæ fonte rigata iugi,  
It comes ad spirans animam sensumq; libello,  
Aetatum Genius semina longa trahens.*

IOAN. LAVTERBACHII.

*Perennis est disertus eloquentia.  
Splendor Thesbiadum nitens EBERVS,  
Paruus corpore, suauitate magnus*

V iiiij

Dicendi, teneram scholis iuuentam.  
Bonas seu docuit disertus artes,  
Sacram seu docuit disertus ædem:  
Præsentem retulit lepore formam,  
Præsentem retulit colore vultum.  
De tam corpore plura scire paruo  
Si queris, monumenta que reliquit  
Haud segnis, lege, sis nec ipse segnis.  
Quam magnus fuerit scholis docendis.  
Quam magnus fuerit sacris docendis,  
Librorum monumenta prædicabunt.  
Paruo ex corpore nemo iudicandus:  
Gemma corpore parua, vi sed ingens:  
Terra sic quoque dum manebit orbis,  
Parus corpore, suauitate magnus  
Dicendi celebrabitur per orbem  
Splendor Thesbiadum nitens EBERVS.

IOAN.